

پولس افسس کليسا مشايخ امرا خوداحافظی کونه

۱۳ امانم کشتی سوار بوستیم تا بیشیم آسوس شهر طرف. هوطو کی پولس امرا قرار بنه بیم، اویه اون باوریم کشتی میان، چونکی خواستی جه رای خشکی بشه تا شهر آسوس فارسه. ۱۴ پس وختی پولس آسوس میان بیده بیم، اون باوردیم کشتی میان و بوشویم بندر میتیلینی. ۱۵ فردای او روز جه اویه کشتی امرا بوشویم و جزیره ای خیوس ورجه فارسه بیم. دوومی روز جزیره ای ساموس بوشویم و سومی روز فارسه بیم بندر میلیتوس. ۱۶ پولس تصمیم داشتی کی جه رای دریا جه کناره ای افسس دوواره کی آسیا میان وخت کوشی نوکونه، چونکی عجله داشتی کی اگه بتانه، روز پنتیکااست به اورشلیم فارسه.

۱۷ اون جه شهر میلیتوس، پیغامی مشايخ کليسای افسس ره اوسه کوده کی اوشان باوره خو ورجه. ۱۸ وختی بمویدی، اوشان بوگفته: «شومان دانیدی جه هو روز اول کی بموم آسیا، چوطو شیمی امرا رفتار بوکودم، ۱۹ چوطو فروتنی و چومان گریه مره خوداوند خدمت بوکودم و توما سختی یان و دسیسه یان و بدرفتاری ای کی یهودیان می سر باوردیدی، تحمل بوکودم ۲۰ و دانیدی کی جه هر اونچی کی شمره سودمند بو، چیزی ای دریغ نوکودم، بلکی پیام شمره موعظه بوکودم، چی مردوم ورجه و چی خانه میان شمر تعلیم بدم. ۲۱ یهودیان و غیریهودیان اعلام بوکودم کی وا توبه کوندم امرا به سمت خودا واگردید و به امی خوداوند عیسی مسیح ایمان باورید.

۲۲ «به الهام روح القدس شوئون درم اورشليم و نانم اويہ مرہ چي پيش آيہ. ۲۳ فقط ان دانم کي روح القدس هر شهر دورون کي شمه، مر هشار دهه کي زندان و سختي مي منتظره. ۲۴ ولي مي جان، مرہ ارزشي ناره، مگر بتانم مي مسابقه ي به آخر برسائيم و خدمتي ي کي خوداوند عيسي مر ببخشه، به کمال فارسائيم، خدمتي کي هو اعلام بشارت فيض خودايه.

۲۵ «هسه دانم هوطو کي من ايتا مدتي شيمي ميان ايسه بوم و خودا پادشاهي ي موعظه بوکودم، هيچ کدام د مر نيديندي. ۲۶ پس ايمروز شيمي امرأ ايتام حجّت کونم کي کسی جه شيمي ميان هلاک به مي تقصير ني يه، ۲۷ چون خودا مقصد و اون اراده ي اعلام کودن و ستي شمره کوتاهي نوکودم. ۲۸ مواظب خودتان و تومام گله يي کي روح القدس شمر ناظر اوشان قرار بده بيبيد، چونکي خودا او جمع ايمانداران به قيمت خو خون بيهه. بزین شومان و ستي اوشان خب چوپاني بوکونيد. ۲۹ من دانم بعد مي شوئون، گرگان درنده شيمي ميان آييدي کي به گله رحم نوکونيد. ۳۰ جه شيمي ميان کساني آييدي و حقيقت کلام خوداي ايجور ديگر گيدي تا ايمانداران خوشان دونبال بريد و اوشان جه راه به در کونيد. ۳۱ شيمي حواس جمع بيه، به ياد باوريد کي من سه سال تومام، شب و روز، تک تک شمر مي اشک چومان مره تعليم و هوشيارى بدم.

۳۲ «هسه شمر به خودا و اون کلام فيض ايسپر م کي اون تانه شيمي ايمان قوت فده و هم شمر ايمانداراني امرأ کي تقدیس بوبوستيدي به نام خوداوند عيسي مسيح، هم ارث بوکونه. ۳۳ هيچ چشمداستي به طلا و نقره و لباس کسی نارم.

۳۴ شومان خودتان دانیدی کی خودم دس و کار کودن امرأ، می احتیاجات و می
همراہان احتیاجات فراہم بوکودم. ۳۵ جہ ھہ لحاظ من شمر نیشان بدہبوم کی و
سخت کار بوکونیم تا بتانیم ضعیفان کومک بوکونیم و خودمان خوداوند عیسی
گبان بہ یاد بداریم کی بفرمأستہ: (فدن جہ فیگفتن بہترہ.)

۳۶ وختی خو گبان تومام کودہ، اوشان ہمہ تان امرأ زانو بزہ و دوعا بوکودہ. ۳۷ ہمہ
صدای بلند امرأ گریہ بوکودیدی و اون بغل کودیدی و ماچی بدیدی. ۳۸ اونچی
کی جہ ہمہ چی ویشتر اوشان ناراحت کودہ، گبی بو کی بوگفتہ: «د می روی
نیدینیدی.» پس اون تا کشتی بدرقہ بوکودید.